

卷四目錄

小兒科

色脈 三關 不食乳 臍不乾 山根

發熱 感冒風寒 驚風 驚風 痢疾方

泄瀉 寒瀉 吐 咳嗽方 疳症 口疳流

水口爛神方 疳症瀉痢眼障神效方 瘡疾

方便蟲方 積蟲方 痘症回毒或疔腫方

痘瘡壞症已黑 急慢風三六九日一切風

治火丹神方 又方

潘昌遠堂選方

附

急救時症仙方 抽筋症方 單雙鵝喉或喉

痺等症妙方 發顛發狂良方 應驗馬背疔

方 治毛疔方 急救傷暑夾色夾食妙方

立止牙痛方 滾油滾粥滾湯滾水所傷方

疔痢症妙方 鐵打吊痧藥醋方 生無名腫

毒或運甲或石硬等方 毒蛇咬傷良方 生

蛇頭纏指妙方 生臭螺頭妙方 顛狗咬傷

良方 炮火鐵砂所傷方 誤食神仙大睡方

經驗堂選方 附

治外痔方 搽方 洗方 食方 治跌打傷

內筋骨腫痛吊痰方

葉天士眼科方 附

刺疔捷法 附

治疔要言 正面穴圖 腦後穴圖 正面全

身圖 背面全身圖 左右手穴圖 三 左右足

穴圖 三 治疔歌 神效疔膏方

考正穴法

頭部 膺腹部 背部 手足部

考穴取寸法

頭部 膺腹部 背部 手足部 附治取鐵

鍼簡易方 考穴取寸法圖式

卷四小兒科

傅青主先生手著

介休王道平校字

平遙張桂林校對

色

汾陽田嵩峻校刊

小兒鼻之上眼之中色紅者心熱也紅筋橫直現於
山根皆心熱也色紫者心熱之甚而肺亦熱也色青
者肝有風也青筋橫直現者肝熱也直者風上行橫
者風下行也色黑者風甚而腎中有寒也色白者肺

中有痰黃者脾胃虛而作瀉一觀其色而疾可知矣

脉

大人看脉於寸關尺小兒不然但看其數不數而已
數甚則熱不數則寒也數之中浮者風也沉者寒也
緩者濕也濇者邪也滑者痰也有止歇者痛也如此
而已餘不必過談也

三關

小兒虎口風氣命三關紫屬熱紅屬寒青屬驚風白

疳疔風關輕氣爲重若至命關則難治矣

不食乳

小兒不食乳心熱也葱煎乳汁令小兒服之亦妙不若用黃連三分煎湯一分灌數次卽食矣神效

臍不乾

用車前子炒焦爲細末敷之卽乾

山根

山根之上有青筋直現者乃肝熱也方用

柴胡 半夏三分 白芍 茯苓一錢 當歸 白

朮五分 山查三箇 甘草一分 水煎服

有青筋橫現者亦肝熱也方用

茯苓一錢 山查三箇 甘草一分 水煎服

有紅筋直現者心熱也亦用前方加黃連一分

麥冬五分 去半夏加桑白皮天花粉各二分 水

煎服

有紅筋斜現者亦心熱也亦用前方加黃連二

分熱積於胸中不可用半夏用桑白皮花粉可也

有黃筋現於山根者不論橫直總是脾胃之症或吐或瀉腹痛或不思食方用

白朮 茯苓 五分 陳皮 人參 麥芽 二分 神

曲 甘草 一分 淡竹葉 七分 水煎服

有痰加半夏一分白芥子二分如口渴有熱者加麥冬三分黃芩一分有寒加乾姜一分吐加

白蔻一粒瀉加猪苓五分腹痛按之大叫者食也加大黃三分枳實一分按之不呼號者寒也加乾姜三分如身發熱者不可用此方

發熱

不拘早晚發熱者俱風萬全湯神效

柴胡 白朮 黃芩 三分 白芍 麥冬 一錢 當

歸 五分 茯苓 二分 甘草 蘇葉 一錢 山查 三箇

神曲 三分 水煎服

冬加麻黃一分夏加石膏三分春加青蒿三分
秋加桔梗三分有食加枳殼三分有痰加白芥
子三分吐加白蔻一粒瀉加猪苓一錢小兒諸
症不過如此不可作驚風治之如果有驚風加
人參五分其效如神

凡潮熱積熱瘧乃脾積寒熱俱用姜棗引

柴胡人參黃芩前胡秦苑甘草青蒿各一分童
便浸晒乾生地一吋薄荷二葉或生棗生藕一

片水煎服甚效

感冒風寒方用

柴胡

五分

白朮

白芍

一錢

茯苓

半夏

三分

陳皮

二分

炙草

四分

當歸

八分

水煎熟服

驚風

世人動曰驚風誰知小兒驚則有之而風則無小兒純陽之體不當有風而狀有風者蓋小兒陽旺內熱內熱則生風是非外來之風乃內出之風也內風作

外風治是速之死也方用清火散風湯

白朮

梔子

三分

茯苓

二錢

陳皮

甘草

半

夏

一分

白芍

一錢

柴胡

五分

水煎服

此方健脾平肝之聖藥肝平則火散脾健則風止斷不可以風藥表散之也

驚風

凡驚風皆由於氣虛方用壓風湯

人參

白朮

神曲

五分

甘草

半夏

丹砂

三分 茯苓 一錢 砂仁 一粒 陳皮 一分 水煎服治

漫驚風加黃芪

痢疾方用

當歸 白芍 一錢 黃連 二分 枳壳 檳榔 五分

甘草 二分 水煎溫服

紅痢倍黃連白痢加澤瀉三分腹痛倍甘草加

白芍小便赤加木通三分下如豆汁加白朮一

錢傷食加山楂麥芽各三分氣虛加人參三分

泄瀉

身熱如火口渴舌燥喜冷飲而不喜熱湯方用瀉火
止瀉湯

車前子一錢 茯苓 白芍 麥芽一錢 黃連

猪苓三分 澤瀉五分 枳壳二分 水煎服

寒瀉

此症必腹痛而喜手按摩口不渴而舌滑喜熱飲而
不喜冷水也方用散寒止瀉湯

人參 白朮 一錢 茯苓 二錢 肉桂 乾姜 二分

甘草 一分 砂仁 一粒 神曲 五分 水煎服

吐

此症雖胃氣之弱亦脾氣之虛小兒恣意飽食不能消化久之上沖於胃口而吐也方用止吐速效湯

人參 白朮 錢 砂仁 一粒 茯苓 二錢 陳皮 二

分 半夏 乾姜 一分 麥芽 五分 山楂 三箇 水煎

服